



## F U N D A R G E R Ð

### **Stjórnarfundur í Sorpurðun Vesturlands hf. haldinn 28. ágúst 2019 kl. 15:30 í Borgarnesi.**

Mættir eru: Kristinn Jónasson, Finnbogi Leifsson, Sævar Jónsson, Unnur Þóra Sigurðardóttir, Eyjólfur Ingvi Bjarnason og Ásta Kristín Guðmundsdóttir. Karitas Jónsdóttir boðaði forföll. Einnig sat fundinn Hrefna B Jónsdóttir, framkvæmdastjóri. Stefán Gíslason, ráðgjafi, sat fundinn undir lið númer þrjú og fjögur.

Formaður bauð fundarmenn velkomna til fundarins.

#### **1. Fundargerð síðasta fundar 19. júní 2019 Samþykkt.**

#### **2. Starfsemi í Fíflholtum**

Framkvæmdastjóri greini frá starfi í Fíflholtum.

Lagt fram rekstraryfirlit fyrstu sex mánuði ársins 2019.

Í lok júlí höfðu komið 9.807 tonn komið inn til urðunar. Þar af 915 tonn frá Suðurlandi.

Búið er að girða meðfram rein nr. 4 á vesturkanti reinarinnar. Verið að skoða með að girða norðan við svæðið fokvarnargirðingu, svo og einnig möguleika á girðingu fyrir frekari skógrækt þeim megin.

Lögð fram samantekt Guðbrandar Brynjólfssonar er varðar skógrækt og næstu skref í því verkefni.

Búið er að keyra yfirborðsefni yfir gassöfnunarsvæði sbr. minnisblað frá ReSource International.

#### **Bilun í kyndli vegna einfasa rafmagns.**

Framkvæmdastjóri greindi frá bilun í kyndli. Varahlutir komnir frá Englandi og stendur viðgerð yfir. Þessi bilun væri ekki til staðar þriggja fasa rafmagn væri aðgengilegt í Fíflholtum. Rætt um nauðsyn þriggja fasa rafmagns á starfssvæði urðunarstaðarins.

Stefán Gíslason kom inn á fundinn.

#### **3. Matsáætlun – Stefán Gíslason**

##### **a. Ákvörðun matsáætlunar - Skipulagsstofnun Stefán Gíslason**

Lagt fram erindi frá Skipulagsstofnun dags. 8. ágúst sl. en þann 15. apríl 2019 barst stofnuninni tillaga Sorpurðunar Vesturlands hf. að matsáætlun vegna fyrirhugaðrar aukinnar urðunar í landi Fíflholta á Mýrum, Borgarbyggð, samkvæmt 8. gr. laga um mat á umhverfisáhrifum.

PL  
AKG  
EIB  
OPS  
KJ

Stjórn Sorpurðunar Vesturlands hf. undrar sig á því hversu langan tíma umsagnarferlið hefur tekið en stofnuninni ber að taka ákvörðun um tillögu framkvæmdaraðila innan fjögurra vikna frá því að tillaga berst, að fenginni umsögn leyfisveitenda og eftir atvikum annarra aðila. Það er því ljóst að ekki næst að ljúka matvinnunni fyrir árslok eins og stefnt var að. Það er því nokkuð ljóst að ekki tekst að loka fráviki um úrgang til urðunar, umfram 15.000 tonn í starfsleyfi, nema ef einhverjar afgerandi og óvæntar breytingar á magni úrgangs til urðunar komi til.

Environice hefur séð um að vinna matsáætlun fyrir Sorpurðun og hefur unnið matsáætlun. Stefán fór yfir hugsanlegar lausnir fyrir Vesturland. Hann fór yfir drög að stefnu ráðherra og lagði fram magnspá fyrir Vesturland.

Kristinn sagði stjórnarmenn standa frammi fyrir því að horfa til framtíðar. Hvað er slæmt við urðun? Meiri flokkun. Samstarf við höfuðborgarsvæðið og þá hvernig? Hann fór yfir kröfur í stefnu ráðherra í úrgangsmálum sem gengur lengra en Evrópulöggjöfin sjálf. Hann sagði þetta sérstakt af ráðherra að ganga lengra en Evrópska löggjöfin segði um. Urðunarskattur væri einungis skattur á sveitarfélögin og skynsamlegra væri að taka upp skilagjald á fleiri vöruflokkka.

Líflegar umræður urðu um leiðir í úrgangsmálum, samstarf með höfuðborgarsvæðið, útflutning á úrgangi, urðunarskatt og í hvaða „kassa“ hann lendi, Evrópulöggjöf sem gerir m.a. sérsöfnun á lífrænum úrgangi skyldu.

Kristinn sagði að nú væri komið að samtali við sveitarfélögin og stefnumótun málafloksins fyrir Vesturland. Háar kostnaðarfjárhæðir liggja í nýjum lausnum.

Samþykkt að halda vinnu við matsáætlun áfram og horfa til stækkunar starsleyfis staðarins í 25.000 tonn.

#### **4. Verkefni um lífrænan úrgang. (EFLA)**

Lagt fram minnisblað, merkt drög, frá EFLU. Áætlun um magn sem til fellur af lífrænum úrgangi frá heimilum á Vesturlandi til jarðgerðar, garðaúrgang frá heimilum sem stoðefni og hreinu timbri frá heimilum sem stoðefni, allt til jarðgerðar. Um er að ræða stutt minnisatriði um aðferðafræði og kostnað. Borinn saman kostnaður við jarðgerð í Fiflholtum og kaupa þjónustuna hjá SORPU bs. Verkefnið mun verða kynnt á síðari stigum af EFLU, verkfræðistofu, sbr. bókun frá aðalfundi 3. apríl sl.

Stefán vék af fundi.

#### **5. Umhverfisstofnun**

##### **a. Fyrirvaralaust eftirlit 23.5. og viðbrögð við því.**

Lagt fram.

##### **b. Reglugundið seinna eftirlit 26.6.**

Lögð fram skýrsludrög frá UST vegna reglugundins seinna eftirlits. Farið yfir atriði sem þarf að bregðast við eins og endurskoðun á viðbragðsáætlunum, veðurfarsmælingar o.fl. Lagðar fram nýjar leiðbeiningar UST um tilkynningar vegna mengunaróhappa.

PL  
AKF  
EFL  
UDS  
KF

Framkvæmdastjóri reifaði efnisatriði eftirlitsskýrslu.

## 6. Samráðsnefnd SV-hornsins

### a. Fundargerð 14.8.2019

Fundargerð lögð fram.

Formaður og framkvæmdastjóri fóru yfir efni fundarins. Páll Guðjónsson, fyrrverandi framkvæmdastjóri Samtaka sveitarfélaga á höfuðborgarsvæðinu', hefur verið ráðinn verkefnisstjóri eigendavettvangs Sorpu bs. Páli hefur verið falið að vinna aðgerðaráætlun með heildarlausn úrgangsmála á höfuðborgarsvæðinu að leiðarljósi, ásamt starfshópi sem samanstendur af fjórum fulltrúum sveitarfélaga á höfuðborgarsvæðinu og mun forstjóri SORPU bs. vinna með hópnum.

Formaður greindi frá heimsókn Páls og framkvæmdastjóra Sorpurðunar Vesturlands hf. til Snæfellsbæjar 19. ágúst sl.

## 7. Drög að stefnu ráðherra í úrgangsmálum

### a. Bókun verkefnisstjórnar Sambandsins um úrgangsmál.

Verkefnisstjórn Sambands íslenskra sveitarfélaga fór yfir drög að umsögn sambandsins um drög að stefnu ráðherra í úrgangsmálum frá 15. ágúst 2019. Þar var bókað:

Verkefnisstjórnin harmar að ekki hafi verið kallað eftir þátttöku fulltrúa sveitarfélaga á fyrri stigum við gerð stefnunnar. Verkefnisstjórn minnir á að sveitarfélögini hafa meginhlutverki að gegna sem stjórnvald í úrgangsmálum og hafa reynslu og bekkingu af framkvæmd úrgangsstjórnunar. Hefði það verið árangursríkt og eðlilegt að þau hefðu átt beina aðkomu að mótu stefnunnar frá upphafi. Með því hefði mátt stuðla að betri sátt um þær áherslur sem fram koma í þeim drögum sem nú eru til umsagnar og einnig líklegra að aðgerðir sem lagðar eru til skili tilætluðum árangri. Verkefnisstjórn tekur þó fram að stefnudrögin styðja í ýmsum atriðum ágætlega við stefnu margra sveitarfélaga sem hafa innleitt metnaðarfulla úrgangsstjórnun þar sem úrgangsminnkun, endurnýting og endurvinnsla eru forgangsmál. Verkefnisstjórn bendir á að engin tilraun hefur verið gerð til þess að vinna kostnaðar- og ábatagreiningu á þeim tillögum sem fram koma í skjalnu. Einnig telur verkefnisstjórn að ýmsar tillögur í drögum gangi lengra og gefi minna svigrúm til útfærslu af hálfu sveitarfélaga heldur en gert er ráð fyrir í þeirri ESB-löggjöf sem vísað er til. Jafnframt vantar skýrari tengingu við aðra stefnumótun í umhverfismálum, þ.m.t. að horft sé til umhverfisáhrifa mismunandi lausna, sem er mikilvægur þáttur í kostnaðar- og ábatagreiningu tillagnanna.

Að álíti verkefnisstjórnar skortir umtalsvert á að í drögum að stefnu ráðherra komi fram nægileg heildarsýn á stöðu úrgangsmála hér á landi og þeim áskorunum sem framundan eru. Þannig telur verkefnisstjórn of mikla áherslu lagða á aðferðir við flokkun og sérsöfnun frá heimilum og jafnframt of lítið horft til þess hvaða innviðir séu nauðsynlegir til að uppfylla á öruggan hátt skyldur Íslands samkvæmt EES-samningnum.

Við frekari vinnslu stefnunnar leggur verkefnisstjórn áherslu á að tekið verði tillit til eftirtalinna atriða, sem einnig er fjallað um í stefnu Sambands íslenskra sveitarfélaga í úrgangsmálum:

1. Mikilvægi öruggrar og lögmætrar förgunar úrgangs, bæði frá heimilum og rekstraraðilum, sem fram fari á sem hagkvæmastan hátt út frá tæknilegu, umhverfislegu og ekki síst fjárhagslegu sjónarmiði.
2. Nauðsynlegt er að sveitarfélögini hafi áfram svigrúm til að haga útfærslu á hirðu úrgangs með tilliti til aðstæðna á hverjum stað. Hærra þjónustustig, með sérsöfnun við heimili og við

PL AKF  
EIB  
CHS  
TJG

aðsetur lögaðila, leiðir í flestum tilfellum til mikils viðbótar kostnaðar fyrir skattgreiðendur án þess að skila endilega betri árangri í endurvinnslu. Sem dæmi gæti í einhverjum tilfellum verið farsælast, t.d. í þéttbyggð, að sveitarfélög hafi heimild til að beina ákveðnum úrgangsflokkum á söfnunarstöðvar sem hægt væri að staðsetja í göngufæri við hvert heimili í þéttbýli.

3. Frekari umfjöllun um innviði úrgangsmála. Sérstaklega er tilefni til að gagnrýna að engin fyrirheit eru gefin um aðkomu ríkisins að uppbyggingu nauðsynlegra innviða, t.d. varðandi brennslu sláturúrgangs og sóttmengaðs úrgangs né förgun spilliefna, þar sem þörf er á heildarlausn á landsvísu. Verkefnisstjórn bendir á að útflutningur úrgangs til brennslu getur reynst ásættanleg lausn til skamms tíma, en þeirri leið fylgi áhætta.

4. Úrbætur í stjórnsýslu úrgangsmála, t.d. samvinna ríkis og sveitarfélaga, beiting hagrænna hvata til stýringar úrgangsmála og leiðir til að efla svæðisáætlanir sveitarfélaga sem stjórntæki í málaflokknum.

5. Framtíðarsýn hvað varðar framleiðendaábyrgð. Sérstaklega kallar verkefnisstjórn eftir því að staða og hlutverk Úrvinnslusjóðs verði treyst til framtíðar.

Varðandi tillögur um hertar kröfur um sérsöfnun frá heimilum leggur verkefnisstjórn að lokum áherslu á að sveitarfélögini hafi svigrúm til þess að haga útfærslu með tilliti til aðstæðna í hverju byggðarlagi, líkt og heimilað er í löggjöf ESB. Jafnframt leggur verkefnisstjórn áherslu á að nýtt verði það svigrúm sem veitt er í tilskipunum ESB hvað það varðar að aðferðir við meðhöndlun úrgangs séu tæknilega, fjárhagslega og umhverfislega hagkvæmar.

Verkefnisstjórn leggur til að Samband Íslenskra sveitarfélaga óski eftir fundi með umhverfis- og auðlindaráðherra til að ræða nánar leiðir til að koma ofangreindum áherslum inn í stefnuna.

Stjórn Sorpurðunar Vesturlands hf. tekur undir bókun verkefnisstjórnar sambands Íslenskra sveitarfélaga.

## 8. Önnur mál.

### a. RÚV heimsókn í Fíflholt

Framkvæmdastjóri greindi frá heimsókn fréttastöðvar RÚV í Fíflholt 25. júlí sl.

### b. Refaveiðar

Framkvæmdastjóri fór yfir refaveiðar í landi Fíflholta frá áramótum.

Fleira ekki gert og fundi slitið kl. 19:05

HBJ

Miðlinninnar  
UNNUR ÞÓRA S.

Jósef Jensen

Eyjólfur Ingvi Bjarnason

Frimboji Leifur

Arla Þórisdóttir Guðmundsdóttir

II